



I.P.R. Outreach Presents

“Plasma Khawvel Mak Tak Mai Chu”

Comic Series No. 1



Mizo Tawng
Samuel Lalmalsawma

A Thuphung, Thawnthu
Leh Script
Ravi A V Kumar

Artwork &
Layout

Ansh G Trivedi

MATTER NIHPHUNGTE

“Plasma Khawvel Mak Tak Mai Chu” Comic Series No. 1

He Comic Series in a tum ber chu naupangte hnena Plasma Physics chanchin ngaihnawm leh bengvarthlaik tak tak hriattir a ni.

He comic series chhunga thu awmte buatsaihtu hi Ravi Kumar-a a ni a, lem Ziah leh Cheimawi (artwork) lam buaipuitu erawh chu Ansh Trivedi, Eklavya School, Ahmedabad hmuna pawl 12 zirlai a ni thung.




Comic series hi tih chhuah zela, Plasma chungchang leh a tangkaina hrang hrang te, nuclear fusion hmanga thahrui (nuclear energy) lo insiam chhuah dan te chhawp chhuah zel theih kan inbeisei a ni.



He thil hi science huang tih zauna tura hmalakna pakhat niin India ramin kum 75 a tlin lawmna leh hriat rengna puala buatsaih a ni bawk.






Institute of Plasma Research ten India
ram kum 75 tlin hriat rengna puala he
thil hi an buatsaih a ni.












Minute reilote hnuah chuan







A, vur
kha mak tak maiin
tuiah a lo chang ta a ni.
Tunah chuan reilote kan
nghak leh lawk ang
...






Ni e, thil inang vek tia sawitheih an ni a, Oxygen pakhat leh Hydrogen pahnihte inbelhbawmin a siam vek an ni a, mahse an awm dan (vur, tui leh tuihu) erawh kha chu a inang lo a nih kha.





Han hawi vel la, i bul velah khan i hmu thei reng asin... Thuka mei alh sa tak khan mei alh sir vela Plasma tlem azawng a siam chu i hmu thei ang.



Chunglam han hawi chho la, ceiling-a tubelight engah pawh khian Plasma chu a awm a nia!



He gas lighter hi han en teh... Lighter i hmech changin eng thil emaw i hre thin em, i kuta rawn ek deuh chhek emaw te?

Kha thil eng phe zeuh pawh kha Plasma a ni alawm.

Bawiha, lei leh vana thil awm 99.99% hi plasma (plasma state-a awm) a ni tih tih i hria em?

Aw, aw... thil eng phe zeuh ka hmu thin, kuta deh chuan mi a nghawr (shock) zek zek thei.

Wow! Chuti chu keimah pawh hi plasma siam ka ni elo?

Hahahah! Nangmah tak kha chu plasma i ni tihna a ni lo. Mahse van boruak zu tak, vanthengrenga arsi zawng zawng leh arsi inhlawm khawm (galaxy) te khi plasma an ni mawle.

Hetiang zawng hian sawi ila a fuh awm e. Kan taksa bung tinrengte hi plasma, kum tam tak, kum tluklehdingawn liam tawha arsi thitate atanga lo insiam tihna ang a nih chu!

Wow! Plasma chu Pathian ang maiin hmun tinah a awm zu ni reng a!

A van mak em! Arsite nen inzawmna kan lo nei reng mai a,

A nih chuan ka pu, vur
tlang te, tui te leh tuihu te ang tho
khan plasma hi chiang takin kan hmu
thei em?

A hmuh theih alawm;
amaherawhchu vur te, tui leh tuihu te
lan dan ang ni lovin. Plasma chuan
ions leh electrons te a nei tih kha ka
hrilh tawh che em kha?

Plasma
chhungah chuan chung
ions leh electrons
tluklehdingawn tam takte
chu, khuai rau thlawk
mur mur ang mai hian an
phu mur mur a.

Tin, Plasma
thenkhat chu sa
tak te, sa vak lo te
pawh an ni thei a
ni, a insiam chhuah
dan a zirin!


Chutianga an chet velna
lamah chuan ions thenkhatte chu
electrons te nen insu velin an inbelhbawm
that leh chuan a tira atom kha a lo insiam
leh thin a. Chutih rual chuan energy
(thahrui) lo insiamin, eng (light) angin a lo
lang thin a, chu chu kan lo hmu thei ta
thin a ni.

Mahse ka pu,
chung chu engtin nge ni
(sun) nen a inkaihhnawih
dan le?

Aw.. a ni maw! ka lo
theihnhghilh hman a ni maw!

Ni (sun) lai tak khi, temperature sang em
em mai a ni a, chuta hydrogen awmte chu
plasmaah an chang ta thin a ni.

Chu plasma, ni lai tak ami
chu a sain a muk em em mai a, chuta
Hydrogen inhlawm khawm chuan Helium
siamin energy (thahrui) nasa tak chu
'eng' angin a pe chhuak ta thin a ni.





Thahrui

Hetianga ni atanga
energy lo insiam chhuah dan
ropui tak mai hi "**Nuclear
Fusion**" an ti a ni.

Kan hriat loh laite hian
ni-ah khian energy insiam
chhuak turin thil nasa tak a
thleng reng tihna a nih chu!

Chuan maw Bawiha, he plasma hi alawm, ni (sun) atanga chakna thahui (energy) lo insiam chhuah theihna, he kan awmna solar system chhunga chakna thahrui (energy) kan mamawh zawngte lo awm theihna bul chu.



*H₂O (Tui) = Dihydrogen Monoxide (Tui Chemical hming a ni e)

PLASMA CHUNGCHANGA THU NGAIHNNAWM LEH BENGVARTHAK TAK TAKTE

Universe (lei leh van) hmun zaa sawmkua pakua leh point pakua 99.999 % te hi plasma (plasma state-a awm) an ni.

Plasma hi kan. bul vel hmun tinah hian a awm a ni: Kawlpheah te, aurora, fluorescent tubes, meialh leh electric sparks leh thil dangah te.

Plasma hi temperature hniam tak (absolute zero) tanga 5 trillion-degree Celsius aia sangahte pawh a awm thei a ni.

Plasma ion-engines hmangin ni 40 lek chhungin spacecraft-in Mars a thleng thei a ni.

Simeikhu leh vut paw ang tak hual veltu (ring) nei chiho planet te hian dusty plasma an nei.

Second tin hian plasma vawt, kg l bawr vel hi kan awmna lei tuamtu atmosphere atangte hian a put chhuak reng a ni.

Plasma hi electric leh magnetic field ten an tawk theih avangin heng hmang hian a thunun theih a ni.

Leia magnetic field-te hian ni zung atanga charge particles hlauhawm tak tak lokal thinte laksatangin min veng reng a ni.

Copper ai pawhin plasmaah hian electric a kal chak thei zawk a ni.

Plasma hian agriculture te, engineering, electronics, medicines, textiles, waste treatment leh aerospace-ah te tangkaina a nei nual a ni.

Plasma vawt (cold plasma) hi bacteria tha lo chi tihlumtu tha ber leh mihring vun tana hlauhawm si loh a ni.

Kawl vawikhat phe zeuh ringawt hian bulb watt 60 hi thla ruk chhung vel tieng thei tur khawp chakna a nei.

Plasma hi energy siam chhuahna khawl, nuclear fusion machines-ah temperature tih sanna atan hman thin a ni a, ni chhungril satna ai pawha a let 15 a sangin a tih san theih a ni.

Plasma Physicist Lar Te



"PLASMA KHAWVEL MAK TAK MAI CHU" COMIC SERIES NO. 1

Copyright : Institute for Plasma Research, Gandhinagar (2021)



TECHNOLOGIES FOR

NEW INDIA @ 75

आजादी का अमृत महोत्सव



Institute for **Plasma Research**

प्लाज्मा अनुसंधान संस्थान



Photo & Design - Ravi A. V. Kumar

Institute of Plasma Research (IPR) hi Research & Development Institute niin Sabarmati lui Kam, Indira bridge, Gandhinagar, Gujarat a awm a ni a. Kum 1986 khan din niin Department of Atomic Energy hnuaiyah a awm a ni. Institute of Plasma Research hian Plasma Science thiamna chungchang leh a hman-nate zir chianna, Energy sim chhuahna khawl, Nuclear Fusion technology siam chhuah leh tih hmasawn te an tum ber a ni. He Institute hian Plasma physics zir chianna, experiment te, Tokamak experiment, theoretical leh computational studies te chak takin a Kalpui mek a ni. (Tokamak hi nuclear fusion reaction hmanga energy siam chhuahna khawl a ni). IPR hnuaiyah Tokamak experiment pahrih Kalpui mek niin pakhat chu "Aditya" a ni a, Aditya hi Tokamak, India kutchhuak hmasaber hiin kum 1990 atang khan hman tan a ni tawh a, pakaht dang leh chu Steady-State Superconducting Tokamak (SST-1) a ni. IPR hi khawvel pum huapa energy siam chhuahna nuclear fusion mega-project, France rama hmalakna Kal chho mekah pawh nodal agency a ni bawk. Chutiang chuan, IPR hian energy siam chhuak thei fusion technology tih hmasawna programme lian tak a Kalpui mek a. Chu bakah chuan thil siam chhuahna hmun Industry-ah te leh mipui hman tangkai theih tur plasma technology tih hmasawna Kawngah te a thawk nasa hle a ni. IPR hi LIGO-India gravitational wave project (lei leh van boruaka gravitational wave zir chianna) ah pawh a tel ve a ni.



Institute of Plasma Research ten
India ram kum 75 tlin hriat rengna puala he
thil hi an buatsaih a ni.



A Thuphung, Thawnthu Leh Script
Ravi A. V. Kumar



Artwork & Layout : Ansh G Trivedi
ansh.g.trivedi.2004@gmail.com

Outreach Division
Institute for Plasma Research,
Gandhinagar 382428 (Gujarat)



प्लाज्मा अनुसंधान संस्थान

Institute for Plasma Research

E-mail : outreach@ipr.res.in
Web : www.ipr.res.in/outreach
Contact : 78018 34469 (Whatsapp)

